

吳
詩
集
覽

吳詩集覽卷十二上

黎城靳榮藩介人輯

七言律詩二之上

題鴛湖閨詠

鴛湖見鴛湖曲 袁子才曰其為黃皆令詠乎夫婿長楊譏其天壤王郎

之恨比左芬謂貌不如耳張如哉曰王貽上有觀黃皆令書扇詩次梅村題鴛湖閨詠原韻知的為黃皆令作也徐電發續本事詩黃皆令名媛介鴛水人歸楊世功以詩文擅名書畫亦佳絕

石州螺黛點新粧
小拂烏絲字幾行
粉本留香泥蛺蝶
錦囊添線繡鴛鴦
秋風擣素描長卷
春日鳴箏製短章

江夏只今標藝苑無雙才子掃眉娘

結句言掃眉之人即無雙才子非平

列也○南都烟花記湯帝宮中爭畫長蛾司宮吏日給螺子黛五斛出波斯國陳後主詩新粧艷質本傾城

有織成界道絹素謂之烏絲欄粉本見題志衍畫花

蕊夫人宮詞紅錦泥窗遶四廊字典蜀人謂糊窗曰泥

窗梁簡文帝詩花留蛺蝶粉按粉本言畫則當如王仲

初宮詞揭得滕王蛺蝶圖也漢武內傳王母巾笈中

有一卷書盛以紫錦之囊杜詩刺繡五紋添弱線元裕

之詩鴛鴦繡出從君看班婕妤好擣素賦對秋風而掩

鏡王少伯詩樓頭小婦鳴箏坐顏延年詩頌酒雖短

章後漢書黃香傳京師號曰天下無雙江夏黃童韓

詩藝苑手秘寶杜牧之詩掃眉才子知多少管領春

風總不如粧臺記漢武

帝令宮人掃八字眉

按一統志汾州府永寧州漢置離石縣後周建德六

年改曰石州然不產螺黛而山海經波斯西域國去

中國萬里其非永寧州可知李義山詩東南日出照
高樓樓上離人唱石州以石州爲商調亦與此詩不
合或曰義山詩下句云總把春山掃眉黛梅村遂連
用爲石州螺黛與王貽上觀黃皆令書扇詩歸來
堂裏罷愁粧離隱歌成淚數行才調祇因同衛錄風
流底許嫁文鴛蕭蘭宮掖裁新賦香茗飄零失舊章
今日貞元搖落客不將巧語憶秋娘自注皆令有離
隱詩黃皆令離隱詩序予產自清門歸於素士兄弟
媛貞雅好文墨自幼慕之乙酉逢亂轉徙吳閭羈遲
白下後入金沙閉跡墻東雖衣食取資于翰墨而聲
影未出乎衡門古有朝隱市隱漁隱樵隱予殆以離
索之懷成其肥遯之志焉爰作長歌題曰離隱云

其二

休言金屋貯神仙獨掩羅裙淚泣然栗里縱無歸隱計
鹿門猶有賣文錢女兒浦口堪同住新婦磯頭擬種田

夫婿長楊須執戟不知世有杜樊川

張如哉曰觀離隱詩序固是自分綦

編者而亦不無非偶之感獨掩羅裙詞微而顯故阮亭

詩有風流底許嫁文鶯句而袁子才亦謂長楊執戟譏

其天壤王郎之恨也○古詩金屋羅神仙會真記且疑

神仙之徒不謂從人間至矣子山蕩子賦紗窗獨掩

羅裙見吾谷行泣然見雕橋莊歌栗里見閨園詩

鹿門見贈蔡羽明杜詩本賣文爲活黃魯直詞新婦

磯頭眉黛愁女兒浦口眼波秋夫婿見青門曲揚子

雲長楊賦序雄從自射熊館還上長楊賦子建與楊德

祖畫昔揚子雲先朝執戟之臣

張文昌詩良人執戟明光裏

唐書藝文志杜牧樊川集二十卷

梅村詩話黃媛介嘉興儒家女也能詩善畫其夫楊與公聘

後貧不能娶流落吳門媛介詩名日高有以千金聘爲名門

妾者其兄堅持不肯余詩云不知世有杜樊川指其事也

按此則長楊執戟亦用唐人貞女吟良人執戟明光裏耳

絳雲樓閣敞空虛女伴相依共索居學士每傳青鳥使

蕭娘同步紫鸞車新詞折柳還應就舊事焚魚總不如

記向馬融譚漢史江南淪落老尙書按此詩所詠多指絳雲樓事柳如是

始末鈕玉樵觚賸紀之甚詳詩中女伴蕭娘蓋卽指如

是也絳雲樓以禮部家居故用學士焚魚江南尙書語

耳張如哉曰絳雲是藏書之樓意皆令轉徙吳閫時

曾爲尙書邀請留伴柳氏居絳雲樓故云每傳青鳥使

同步紫鸞車也折柳承蕭娘說指柳氏焚魚承學士說

指尙書結句擬皆令于曹大家并以寄慨也○絳雲樓

見陸天乙畫倉頡篇敞高顯也女伴見彈琴歌索居
見半園學士見汲古閣歌史記司馬相如傳亦幸有
三足鳥爲之使注三足鳥青鳥也主爲西王母取食
蕭娘出南史臨川王宏傳揚子雲反離騷旣亡鸞車之
幽藹兮焉駕八龍之委蛇許堯佐章臺柳傳柳氏韓
翎姬也天寶末盜覆二京柳氏寄跡法靈寺翎遣使問

行求柳氏以練囊盛麩金而題之曰章臺柳章臺柳昔
日青青今在否縱使長條似舊垂也應攀折他人手
南史柳瑛傳語前世舊事杜詩碧山學士焚銀魚白馬
却走身巖居張如哉曰後漢書列女傳扶風曹世叔
妻者同郡班彪之女也名昭一名姬兄固著漢書其八
表及天文志未及竟而卒帝詔昭就東觀藏書閣踵而
成之時漢書始出多未能通者同郡馬融伏于閣下從
昭受讀後又詔融兄續繼昭成之納柳氏在鴛湖舟中
則皆令與柳舊爲女伴矣後漢書蔡邕傳繼成漢史
淪落見避亂其五張復之詩淮陽閑殺老尙書
離隱之目本自新樣栗里縱無歸隱計若砭其隱字
正是剔清離字也故此首云女伴相依共索居索居
上有相依字
共字亦奇

其四

誰吟紈扇繼詞壇白下相逢吳綵鸞才比左芬年更少

壻求韓重遇應難玉顏屢見鶯花度翠袖須愁烟雨寒

往事只看子薄命致書知已到長干

此慰其義命自安之意溫柔敦厚立

言有體

○班婕妤有執扇詩杜牧之詩

今代風騷將誰

登李村壇

白下見壽申青門一統志唐太和末書生

又蕭寓南昌府紫極宮一日遊西山與吳綵鸞相遇因

約與歸蕭貧不自給綵鸞寫孫勣唐韻日得一部鸞之

得錢五緡如是十載稍爲人知乃往越王山各跨一虎

陟峯巒而去鍾仲偉詩品鮑昭嘗答孝武云臣妹才

自亞于左芬臣才不及太冲爾霍顯詩自矜年最少復

依壻爲郎壻求韓重見青門曲紫玉注玉顏見彈

琴歌鶯花見贈李雲田杜詩天寒翠袖薄烟雨

見鶯湖曲薄命見玉京墓長干見行路難

嘉興李良年字武曾黃皆令歸吳楊世功索詩送行

曾因廡下樓吳市忽憶藏書過若耶愁殺鴛鴦湖口

月年年相對是天涯盛名多恐負清閒此去蘭

陵好閉關柳絮滿園香茗圻侍兒添墨寫青山

補襖

壬辰上巳蔣亭彥篆鴻陸我謀於鴛湖襖飲余

後三日始至同集有道開師朱子容沈孟陽徵

詩以補襖事余分得知字

壬辰順治九年後漢書禮儀志是月上巳

官民皆絮於東流水曰洗濯祓除去宿垢爲大

祭襖飲見畫蘭曲嘉興府志蔣王立字亭彥

嘉善人拔貢有泰茹堂集按志稱王立弟雲翼

字鳴大甲午舉人璩字禹書辛卯副榜有武塘

三蕖之目篆鴻卽雲翼也嘉興府志陸野字我

謀平湖庠生爲當湖七子領袖程述亭曰道開

名自扁蒼雪弟子嗣法于中峯者圖繪寶鑑僧

自扁號道開結廬于吳門山塘詩字并佳又善

山水得意外之趣明詩綜朱茂暉字子蓉秀

水縣學生有鏡雲亭集按梅村集俱作子容

春風好景定昆池散誕天涯却誤期
溱洧漫攀芳杜晚

雒濱須泛羽觴遲右軍此會仍堪記
白傳重游共阿誰

故事禊堂看賜柳年來無復侍臣知
首句駕湖禊飲次句後三日始至也

晚字遲字承誤字說下五六寔寫補字用事切而運筆
靈結句所感者深○蘇詩一年好景君須記唐書安樂

公主傳嘗請昆明池爲私沼帝曰先帝未有以與人者
主不悅自鑒定昆池延袤數里散誕見二十五日詩

詞各有誤佳期鄭風溱洧篇傳鄭國之俗三月上巳
之辰宋蘭水上以祓除不祥芳杜見西冷閨詠杜若注

子山哀江南賦王子洛濱之戲續齊諧記三日曲水
始於周公城洛邑因流水以泛酒故逸詩云羽觴隨波

晉書王羲之傳乃以爲右軍將軍會稽內史嘗與同
志宴集于會稽山陰之蘭亭杜詩明年此會知誰健

樂天詩序開成二年三月三日河南尹李待價禊於洛
濱前一日啟留守裴令公公明日詔太子太傅白居易

等一十五人合宴于舟中古詩家中有阿誰晉起居注泰和六年三月三日臨流杯池依東堂小會也西陽雜俎唐制三月三日賜侍臣細柳園言帶之免舊葬唐文宗詩無復侍臣知

過朱買臣墓

原注在嘉興東塔雷音閣後卽廣福講院一統志朱買臣墓在嘉興縣

東三里東塔寺後其妻墓在縣北十八里一名羞墓東塔寺在嘉興縣東三里相傳漢朱買臣故宅梁天監中建寺蘇州府志朱氏墓碣在吳縣西穹窿山旁俗傳云買臣之墓非也嘉興府志引隋唐佳話洛陽平鄉路有漢丞相長史朱買臣墓今按河南府志作平御路云東封之歲得買臣墓誌銘而葬文內亦不載其銘也

翁子窮經自不貧會稽連守拜爲真是非難免三長史富貴徒誇一婦人小吏張湯看踞傲故交莊助嘆沉淪

行年五十功名晚何似空山長負薪

通首皆喚醒翁子語起二句言書中

有粟貴不足與三四言恩怨太明氣量過窄也五六言升沉無定以起結句之意結句言成名不足為榮負薪不足為辱也翁子利達之士故宜以此醒之○漢書朱買臣傳字翁子吳人也家貧好讀書梁武帝詩弱冠窮六經史記郭解傳此其家不貧賈臣傳會邑子嚴助貴幸薦買臣詔見說春秋言楚辭帝甚悅之上拜買臣會稽太守又王尊傳雖拜為真未有殊絕褒賞又孝平紀注如淳曰諸官吏初除皆試守一歲迺為真食之俸史記酷吏傳始長史朱買臣為大中大夫用事而湯乃為小吏跪伏使買臣等前及湯為御史大夫買臣坐法廢守長史見湯湯坐床上丞史遇買臣弗為禮王朝齊人也以術至右內史邊通官再至濟南相故皆居湯右已而失官守長史湯數行丞相事知此三長史素貴常凌折之以故三長史合謀知湯陰事於是上使趙禹責湯湯乃為書謝曰謀陷湯罪者三長史也遂自殺乃盡案誅三長史賈臣傳擔束薪行且誦書其妻亦負

戴相隨妻羞之求去買臣笑曰我年五十當富貴今已四十餘矣妻恚怒曰如公等終餓死溝中耳買臣不能留卽聽去久之拜爲太守會稽聞太守且至發民除道入吳界見其故妻妻夫治道買臣駐車呼令後車載其夫妻到太守舍置園中給食之居一月妻自經死買臣乞其夫錢令葬左傳襄二十四年皆踞轉而鼓琴疏踞謂坐其上也盧昇之詩白壁故交輕正字通漢明帝諱莊改莊助爲嚴助莊光爲嚴光沉淪見遇劉雪舫淮南子蘧伯玉行年五十而知四十九年之非空山見贈文園公

原評三四語可括本傳詩如此作方不落套按三語括史記四語括漢書直如椽之筆也按漢書嚴助傳上問助居鄉里時助對曰家貧爲友壻富人所辱上問所欲願爲會稽太守卽以拜之是助已以會稽人爲會稽守而所薦之買臣又以會稽人爲會稽守故云連守龐元英談藪引朱謙之詩會稽乞得無他念祇爲歸來詫故妻卽第四句意

題朱子葵鶴洲草堂

明詩綜朱茂時字子葵秀水縣學生承蔭官至貴陽知府

有咸春堂遺藁子葵鶴洲夜歸詩秋月清於水孤舟放鶴歸不知荷葉露風卷上人衣

別業堂成綠野邊養雛丹頂已千年仙人收箭雲歸浦

道士開籠月滿天竹下綈衣三徑石雪中清唳五湖田

裴公舊宅松陰在不數孤山夜放船

通首點染鶴字綠野裴公起結相應

○別業見西田詩杜有堂成詩唐書裴度傳於午橋創別墅名曰綠野堂杜詩誰言養雛不自哺陸務觀詩

鶴養多年丹頂深宋子虛詩洞中養隻千年鶴會稽

記射的山南有白鶴山此鶴為仙人取箭漢太尉鄭宏

嘗採薪得一箭頃有神人至問何所欲宏曰嘗患若耶

溪載薪為難願旦南風暮北風後果然雲歸見謁剖公

宋延清詩六翮開籠任爾飛古詩三五明月滿子

瞻後赤壁賦適有孤鶴橫江東來翅如車輪元裳綈衣

三徑見遺悶（朱子畫鶴詩）清唳九霄聞五湖見贈家
侍御（按唐書裴度河東聞喜人其宅應在絳州一統
志午橋莊在洛陽縣南十里卽唐裴度所居綠野堂也
則又爲游宦後之宅鶴洲草堂不在晉豫而用綠野裴
公字者一統志裴休故宅在嘉興府秀水南四里休唐
宰相後捨宅爲真如寺鶴洲當在其旁又子葵爲太傅
文敏公國祚之裔故以晉公爲比不云晉公而云裴公
也杜詩杖藜長松陰季詩松高白鶴眠（宋書林逋傳
隱居孤山畜兩鶴縱之則飛入雲霄逋常泛艇游西湖
寺有客至童子延客坐開籠縱鶴良久逋必掉小舟歸
放船見
鴛湖曲

按明詩綜朱子蕃人日過伯兄貴陽守放鶴洲別業
是宋朱希真園林舊址壁上題高工部詩戲作舊業
朱三十五曾種梅花滿枝恰喜草堂人日高三十五
題詩跋云希真達夫俱行三十五而竹垞詩話亦云
城南放鶴洲相傳爲唐相別業然新舊唐書俱不言
休流寓吳下元嘉禾志明府志俱未之載而以洲名

爲宋南渡時禮部郎中朱敦儒所題云云其說與子
蕃合然竹垞放鶴洲探梅詩有云爲園傳故相自注
唐相裴休別業則竹垞亦未嘗專王前說
也一統志成於詩綜詩話之後今從之

題孫銘常畫蘭

誰將尺幅寫瀟湘窮谷無人吹氣香斜筆點芽依蘚石

雙鈞分葉傍簫謝家樹好臨芳砌鄭女花堪照洞房

我欲援琴歌九畹江潭搖落起微霜

通首點染蘭字瀟湘江潭起結相應

○瀟湘見王京墓

左傳昭四年深山窮谷冢誣芝蘭

生於深林不以無人而不芳洞冥記帝所幸宮人名麗

娟吹氣勝蘭杜詩石欄斜點筆僧清洪詩待月伴雲

眠蘚石雙鈞見觀通天帖簫篴見清風使節圖語

林謝太傅問諸子侄曰子弟何預人事而正欲使其佳

車騎答曰譬如芝蘭玉樹欲使生階庭耳芳砌見畫蘭

曲左傳宣三年鄭文公有賤妾曰燕姑夢天使與已
蘭日以是爲而子既而文公見之與之蘭而御之楚辭
嬈容修態絙洞房紫子華子孔子援琴寫志按孔子
有倚蘭操九畹見彈琴歌枯樹賦今看搖落悽愴江
潭楚辭微霜
降而下淪兮

送林衡者歸閩

梅村送林衡者還閩序衡者名佳璣興化之莆田人

五月關山樹影圓送君吹笛柳陰船征途鶻鵲愁中雨

故國枕榔夢裏天夾漈草荒書滿屋連江人去雁飛田

無諸臺上休南望海色秋風又一年

首句紀時次句點出送字三四歸閩

五六寫到歸閩以後結句從對面寫送字與起處相應

○關山見圓圓曲樹圓見掛山樓柳陰見西曰詩

征途見黃子羽阮詩題鵲發哀音岑參詩到來函谷愁

中月歸去磻溪夢裏山枕榔見哭志行宋史儒林

傳鄭樵字漁仲好著書居夾溪山學者稱夾溪先生（一）統志鄭樵故宅在興化府仙遊縣東北霞溪前夾溪草堂在興化府莆田縣西北薌林山（韓詩）城關連雲草樹荒（杜詩）床上書連屋（按）連江縣在福州府東北九十里（胡笳十八拍）雁飛高兮邈難尋（一）統志漢閩越王無諸墓在閩縣南二里有廟在南臺山（李詩）鷄聲海色動高達夫詩霜

髮明朝又一年

按離騷恐鷓鴣之先鳴兮使夫百草爲之不芳文選注鷓鴣一名買鷓鴣林西仲曰鷓鴣卽詩所謂七月鳴鷓者爾雅釋鳥鷓鴣伯勞也漢書揚雄傳徒恐鷓鴣之將鳴兮故先百草爲之不芳顏師古注引離騷曰鷓鴣字也鷓鴣一名買鷓一名子規一名杜鵑鷓字或作鷓廣韻鷓鴣子規也集韻鷓鴣子鷓也鷓鴣或作鷓鷓異物志杜鵑一名鷓周禽經鷓鴣子規也又曰鷓鷓一名鷓鴣玉篇鷓亦布穀也本草又有鷓歸催歸周燕陽雀諸名史記歷書百草奮與鷓鴣先渾徐廣

曰秣音姊鳩音規子鳩鳥也一名鵯鵯索隱案大戴禮作瑞雉老學菴筆記吳人謂杜宇爲謝豹合觀衆說則鵯鵯秣鳩先渾與離騷之鵯鵯先鳴百草不芳迥不相合考史記之先渾指孟春時師古漢書注謂子規常以立夏鳴鳴則衆芳皆歇而李時珍則謂春暮卽鳴至夏尤甚田家候之以與農事似調停史記漢書之說者時珍又辨服虔注漢書以鵯鵯爲伯勞之誤今按孟子缺舌之缺作缺趙注以爲博勞楚辭之鵯作鵯偏旁互有左右而本草綱目列伯勞杜鵑爲二則林西仲蓋承服子慎之說而誤者李肇國史補謂鵯爲布穀與玉篇合後漢書襄楷傳注布穀一名戴經一名戴勝月令季春之月戴勝降于桑夫洛陽鵯啼宋人尙以爲異何緣于編月令時以子規紀時乎則布穀自與鵯鵯爲二輩蓋承顧希馮蕭愷之說而誤者

送文學博以蒼公招同住中峯寺

原注二公皆雲南人

西風驅雁暮雲哀頭白衝寒到講臺莫問閭關應路斷

偶傳消息又兵來一峯對月茅菴在二老論心石壁開

揀取梅花枝上信明年移向故園栽

首句是蒼公招次句是學博任寺三

四就學博說而蒼公亦在其中五六是同任結句就學博說與三四對照蓋此詩本為送學博作也○鮑詩北

風驅雁天雨霜

衝寒見別字令講臺見虎邱圖間

關見呈李太虛南史張邵傳水陸路斷

拾遺記任未

或依林木之下編茅為菴

溫飛卿詩論心若合

符李詩浪打天門石壁開

梅信見送詹司李

鄧元昭奉使江右相遇吳門却贈

梅村贈檢討鄧公墓誌其未舉

子也遍禱於山川夢日而生故名之曰旭字以

元昭國朝詩別裁集元昭江南壽州人順治

丁亥進士官翰林院檢討著有林屋詩集

江右見濤風使節圖吳門見遇劉雪舫

五湖春草隱征筵畫舫圖書泊晚沙人謂相如初奉使

客傳高密且還家黑貂對雪潯陽樹綠酒看山茂苑花

回首石渠應賜馬玉河從獵雁行斜

首句從吳門點入奉使次句畫舫圖

書跟征筵說下晚泊跟五湖說下三四言奉使暫歸兼

點染鄧字也五句江右六句吳門結句以京師對照用

意更爲周匝玉河五湖若相映帶○史記樂書胡笳似

膚栗而無孔後世鹵簿用之書舫見贈文園公杜牧

之詩烟籠寒水月籠沙夜泊秦淮近酒家相如奉使

見送志衍入蜀注高密見又咏古戰國策黑貂之

裘傲杜有對雪詩潯陽見送李友梅陶詩綠酒開芳

顏看山見商倩郊居吳都賦佩長洲之茂苑石渠見

凌烟圖史記李斯傳中廐之寶馬臣得賜之王河見

沈象圖從獵見讚佛詩溫飛卿詩碧霄烟濶雁行斜

雪夜苑先齋中飲博達旦

五代史馬希範世家飲博謹呼漢書劉向傳或

不寐
達旦

扶杖衝泥逐少年解衣箕踞酒壚邊

集作
爐非

愁燒絳蠟消

千卷愛把青樽擲萬錢痛飲不甘辭久病狂呼却笑勝

高眠丈夫失意須潦倒劇孟平生絕可憐

衝泥酒壚暗
寫雪字解衣

箕踞跟逐少年說下而已引八飲博之興矣中四句將

飲博達旦錯綜寫出結句歸注苑先○扶杖見後東臯

歌衝泥見送何省齋史記游俠傳多少年之戲解衣

見六真歌箕踞見行路難其十八晉書王戎傳嘗經黃

公酒壚下過顧謂後車客曰吾昔與嵇叔夜阮嗣宗酣

暢於此今日視之雖近邈若山河白詩花房絳蠟珠

荊州記小西山石穴中有書千卷青尊見嘲張南垣

萬錢見送周子俶杜詩痛飲狂歌空度日許仲晦詩

久病先知雨狂呼見行路難高眠見洞庭山館聽雨

失意見琵琶行潦倒見送何省齋史記游俠傳雖

陽有劇孟以任俠顯行大類
朱家而好博莊子可憐哉

張如哉曰類篇壚賣酒區也漢書食貨志令官作酒
率開一壚以賣又司馬相如傳文君當壚史記相如
傳作當壚晉書阮籍傳作當壚王戎傳作酒壚
後人多書作壚無作爐者爐乃壚之俗字也

其二

相逢縱博且開顏興極歡呼不肯還別緒幾年當此夜
狂名明日滿人間松窗燭影花前酒草閣鷄聲雪裏山

殘臙豈妨吾作樂儘教遊戲一生閑

開顏歡呼從前首
潦倒可憐翻出而

不肯還即寫出達旦也三四烘染達旦又苑先豪於遊
妙切身分兼見交情五句以飲字串夜字六句以夜字
串雪字結到作樂與開顏相應一生又拓開說則不止
達旦矣○高達夫詩平場縱博家仍富李詩開顏酌美

酒興極見嘲張南垣韓詩隔牆聞歡呼韓致光詩
別緒靜悄悄狂名見送沈友聖雁天錫詩松窗燈
下火杜詩半扉開燭影許仲晦詩花前酒一樽杜詩
五月江深草閣寒韋應物詩門對寒流雪滿山李頻
詩零落梅花過殘臘集韻臘或作臘晉書向秀傳莊周
內外數十篇秀欲注嵇康曰此書詎須注正自妨人作
樂耳游戲
見讚佛詩

癸巳春日楔飲社集虎邱卽事

癸巳順治十年楔
飲見補楔虎邱見

楚兩生序程迓亭曰癸巳春社九郡人士至者
幾千人第一日慎交爲主慎交社三宋爲主右
之德宜疇三德宏旣庭實穎佐之者尤展成侗
彭雲客瓏也次一日同聲爲主同聲社主之者
章素文在茲佐之者趙明遠炳沈韓倬世奕錢
宮聲仲諧王其長發也太倉如王維夏吳郁計
登禾周子似肇則聯絡兩社者凡以繼張西銘
虎邱大會詩中茂先往事蘭臺家世指西銘執

友如張受先陳大士周介生楊維斗輩諸郎如
大樽子○○維斗子俊三輩也營邱謂李舒章
雲三首獨言松江故以五茸城傾起文章興廢
謂幾社挽回風氣兄弟飄零謂宋子建議木也
陳驚坐謂大樽顧陸顧修遠陸子元也四首絳
帷仍指西銘少弟謂西銘弟無近王治故人謂
王子彥瑞國廬陵指李太虛也袁子才曰顧陸
顧偉南陸子元也張如哉曰顧開雍字偉南華
亭人顧宸字修
遠無錫人侯考

楊柳絲絲逼禁烟筆床書卷五湖船青溪勝集仍遺老

白袷高談盡少年筍屐鶯花看士女羽觴冠蓋會神仙

茂先往事風流在重過蘭亭意惘然

首句紀時次句紀地三四社集而仍

字畫字已寓惘然之意五六是現在禊飲之盛結句俯仰今昔即從上文轉出又與三四關合即通首俱靈矣

○楊柳絲絲見詠山茶花汝南先賢傳太原舊俗以介
子推焚骸一月寒食莫敢烟爨唐書陸龜蒙傳升舟
設蓬席賁束書茶竈筆床釣具五湖見送何省齋青
溪見清風使節圖又南史劉瓛傳住在檀橋瓦屋數間
上皆穿漏學徒敬慕不敢指斥呼爲青溪焉梁簡文帝
與廣信侯書每憶華林勝集亦叨末位史記樊鄴傳贊
吾適豐沛問其遺老白裕見和西田韻高談見哭志
衍荀展見題虎邱圖鶯花見送李雲田羽觴見補
楔冠蓋見送何省齋壯詩神仙中人不易得茂先見
九峯草堂歌二統志蘭亭在紹興府山陰縣西南二
十七里李義山詩
只是當時已惘然

其二

蘭臺家世本貽謀高曾南皮話昔游執友淪亡驚歲月
諸郎才調擅風流十年故國傷青史四海新知笑白頭

修禊只今添俯仰北風杯酒醉營邱

此首感愜處多卽所謂重過蘭亭意

惘然也貽謀昔游引起執友諸郎五句承執友說六句承諸郎說結句因西銘而并及同社亡友也○蘭臺見送龔孝升詩貽厥孫謀高會見遇劉雪舫魏文帝與吳質書每念昔日南皮之游誠不可忘執友見送遠圖序元詩武陵花謝憶諸郎才調見永和宮詞李義山詩酒壚從古擅風流青史見又咏古新知見送龔孝升蘭亭序修禊事也又俯仰之間已爲陳迹酌酒見陳徵君祠營邱見九友歌松江府志李雲字舒章華亭人崇禎壬午舉人國朝官中書舍人

其三

訪友扁舟挂席輕梨花吹雨五茸城文章興廢關時代
兄弟飄零爲甲兵茂苑聽鶯春社飲華亭聞鶴故園情

衆中誰識陳驚坐顧陸相看是老成

說見上○挂席見觀通天帖百詩

梨花一枝春帶雨五茸見茸城行

霍國輔詩一身猶

未理安得濟時代

茂苑見贈鄧元昭戴幼公詩聽鶯

憶舊遊陸務觀詩社飲可欠我寄書約鄰翁

華亭聞

鶴見茸城行

漢書陳遵傳字孟公時列侯有與遵同

姓字者每至人門曰陳

孟公坐中莫不震動既至而非

因號其人口陳驚坐

顧陸見洗象圖此借用詩雖無

老成人尙

有典刑

其四

絳帷當日重長楊都講還開舊草堂少弟詩篇標赤幟

故人才筆繼青箱抽毫共集梁園製布席爭飛曲水觴

近得廬陵書信否寄懷子美在滄浪

起句描西谿次句連救菴在內三四

指救菴子彥五六指同集者結句蓋問訊大虛○絳帷
見贈馮誦生注長楊見讚佛詩都講見西冷閑暇
魏伯起移梁朝文少弟升岡史記淮陰侯傳立漢赤幟
二千南史謝朓傳會稽孔顗粗有才筆末爲時知青
箱見觀通天帖抽毫見閭園詩序梁園見東臯歌
禮若非飲食之客則布席蘭亭序引以爲流觴曲水
顧逋翁詩近得麻姑書信否醉翁亭記廬陵歐陽修也
蘇州府志滄浪亭在郡學之東石林詩話廬陵王鏐
元璋池館廢歷間蘇舜欽子美得之傍水作亭曰滄浪
歐陽永叔滄浪亭詩子美寄我滄浪吟邀我共作滄浪
篇滄浪有景不可到
使我東望心悠然

陳鏐字霜赤中秋山塘文譙追和梅村先生集原
韻采蘭被袂自年年勝事風流擅昔賢地屬各區應
共賞人逢元度更誰先右軍亭子山陰榻短簿祠堂
學士篇俯仰古今還繼轍長空萬里月華鮮樽前一
夕卽千秋氣合椒蘭盡勝儔授簡鄉校慚作賦忘年
孔李憶同游雉壇人散春風杳虎觀經橫落月愁從

此南皮高會後楚騷不必動離憂沈歸愚師塔影園
文讌第四首地是野王文讌地時當白帝駐車時千
秋懷古每如此四國名流某在斯深喜蘇瓌真有子
還希杜甫願多師只慚老我摧頽甚空艷梅村修禊
詩歸愚年譜乾隆十四年己巳八月虎邱塔影園
文讌遠近交至予成詩四律以續梅村文讌之後

投贈督府馬公

江南通志總督馬國柱奉天人順治四年任袁子才曰梅村之出大

由馬君促之此詩紀事按魏環極寒松堂集國柱字擎宇

伏波家世本專征畫角油幢細柳營上相始興開北府

通侯高客鎮西京江山傳箭旌旗色賓客圍棋劍履聲

勞苦潯陽新駐節舳艫今喜下湓城

首句是馬督府次句跟專征說三四

正寫督府五六是府中之盛督府兼轄注西未句蓋馬
公新自江西回江寧也○伏波見茸城行專征見送杜

敬武王詩畫角發龍吟白詩碧油幢引下西川漢書
周亞夫傳河內守亞夫爲將軍軍細柳史記陸賈傳
賈謂陳平口足下位爲上相食萬戶侯可謂極富貴無
欲矣始興見觀通天帖山謙之南徐州志舊徐州都督
以東爲彌晉氏南遷徐州刺史王舒加北中郎將北府
之號自此始也宋書謝晦傳昔荀中郎二十七爲北府
都督通侯見楚雨生序高密見又咏古西京見鐵獅
歌傳箭見遇南廂園叟三國志費禕傳來敏至禕
許別求共圍棋史記蕭相國世家乃令蕭何賜劍履上
殿又項羽紀勞苦而功高如此潯陽見讀史雜詩後
漢書鄧禹傳輒停車王節以勞來之白詩駐
節語依依舳艫見海市溢城見呈李太虛

其二

十年重到石城頭細雨孤帆載客愁
累檝久應趨幕府扁舟今始識君侯
青山舊業安常稅白髮衰親畏遠遊

慚媿推賢肅相國邵平只合守瓜邱

此首就自己說前半首是相見本晚

後半首申明已意想見梅村身分與子美投贈哥舒開府不同○杜牧之詩重到笙歌分散地石城頭見哭志衍杜詩春帆細雨來李易安詞載不動許多愁累檄見雁門尚書行序補注幕府見讀西臺記史記李斯傳此真君侯之事舊業見閬園詩晉書吐谷渾傳國無常稅裴親見攀清湖注司馬子長報任安書推賢進士爲務肅相見退谷歌邵平瓜見讀史雜詩注杜詩每見秋瓜憶故邱

自嘆

誤盡平生是一官棄家容易變名難松筠敢厭風霜苦

魚鳥猶思天地寬鼓枻有心逃甫里推車何事出長干

旁人休笑陶弘景神武當年早掛冠

自投贈馬督府以下皆梅村應

召時途中作而此詩全作解嘲語也名篇之累第二句切言之正是自嘆處松筠句思貞苦節魚鳥句欲得安居五六句言丁嗣父艱儘願歸隱并再出金陵真可不必未二句言南渡時一月早歸非熱中應仕者此也敢厭猶思有心何事休笑早掛字字解嘲而以自嘆命題便與怨天尤人者不同○一官見哭志衍葉家見送沈友聖客易見琴河感舊史記貨殖傳范蠡變名易姓禮如竹箭之有筠也如松柏之有心也劉文房詩得罪風霜苦全生天地仁梁書忠壯世子方等傳嘗著論曰魚鳥飛浮任其志性若使吾終得與魚鳥同游則去人間如脫屣耳岑參詩九州天地寬楚辭鼓枻而去甫里見贈徐子能唐書陸龜蒙傳或號天隨子甫里先生推車見壽王鑑明長于見贈李雲田梁書陶宏景傳字通明秣陵人永明中脫朝服掛冠神武門

登上方橋有感

原註橋時新修極雄壯望見天壇崩圮盡矣二統志上方橋在江

寧府上元縣東南明天地壇在上元縣洪武門外明史禮志明初建園邱于正陽門外鍾山之

陽江寧府志順治三年九月內院洪承疇操院
陳錦守道林天擎知府李正茂重修上方橋于

八年二
月橋成

石梁天際偃長壕勢壓魚龍敢遁逃壯麗氣開浮廣術

虛無根削插崩濤秋騰萬馬鞭梢整日出千軍輓餉勞

回首泰壇鐘磬遠江流空繞斷垣局

前半首登上方橋後半首轉合有感

○張見賡詩石梁雲外立天際見石公山廣韻壕城下

池也韓詩雷風戰鬪魚龍逃漢書高祖紀蕭何曰

天子以四海為家非壯麗無以重威說文術邑中道也

虞伯生詩闕除正廣術區井表深瀆虛無種根見縹

緲峯萬馬見雁門尚書行鞭梢見贈穆大苑先杜

詩筆陣獨掃千人軍漢書高帝紀老弱罷轉餉禮播

柴于泰壇祭天也鐘磬見贈願雲師謝元暉

詩大江流日夜王介甫詩頽垣斷塹有平沙

鍾山

明史地理志應天府東北有鍾山山南有孝陵衛

王氣消沉石子岡放鷹調馬蔣陵旁金棺移塔思原廟

原注金棺為誌公在鷄鳴寺

玉匣藏衣記奉常

原注太常有高廟衣冠

楊柳重

栽馳道改櫻桃莫薦寢園荒

原注時當四月

聖公沒後無抔土

姑孰江聲空夕陽

起二句點出孝陵三四是明時之鍾山五六是本朝之鍾山七八寄愴

獨深有感於南渡之監國者也梅村詩於此等處最工

遇南廂園叟夾道栽垂楊指明季言之此詩楊柳重

栽則入

本朝矣○南史周宏正傳且王氣已盡消沉

見葺城行三國志諸葛恪傳建業南有長陵名曰石子

岡大清一統志石子岡在江寧縣南十五里周二

十里遼史道宗紀御製放鷹賦季正已詩新開金埒

看調馬一統志吳大帝蔣陵在上元縣北二十二里

金棺移塔見遇南廂園叟史記叔孫通傳願陛下為原

廟渭北衣冠月出游之益廣多宗廟大孝之本也玉
匣見永和宮詞奉常見琵琶行序曲禮集說馳道人
君驅馳車馬之路謝元暉詩飛薨夾馳道垂楊蔭御溝
明史禮志薦新四月櫻桃杏鱸魚雉又洪武八年學
士樂韶鳳等言漢諸廟寢園有便殿日祭于寢月祭于
廟後漢書劉元傳元字聖公光武族兄也按元即更
始帝降後封長沙王者元本傳詔大司徒鄧禹葬之於
霸陵而云無杯土者亦借用語耳杯土見鴛湖曲一
統志姑孰故城即今太平府當塗縣治明史福王傳辛
卯夜由崧走太平趨黃得功軍癸巳由崧至蕪湖詳讀
史雜感第八首李君虞

詩魏國山河半夕陽

按韓元少有懷堂集南巡

聖德詩鍾山弓劍

地兩度

翠華迴玉笋申

躬獻瑤函讀

御裁老瑞呈日角遺種閑雲來總為隆唐宋
天言冠史才可以見本朝待前明之厚矣

臺城

綱目質實臺城在鍾阜側今胭脂井南至高
陽基二里為軍營及民蔬圃者皆是

大

清一統志故臺城在上元縣治元武湖側容
齋隨筆世謂禁省爲臺故謂禁城爲臺城

形勝當年百戰收子孫容易失神州金川事去家還在

玉樹歌殘恨未休徐鄧功勲誰甲第方黃骸骨總荒邱

可憐一片秦淮月曾照降幡出石頭

此悲南京之覆也
首句思明初創業

之艱次句歎福王亡國之易容易二字括盡福王君臣
三句言成祖靖難雖非明祖之意然猶父傳子子四句
言福王荒淫則天命去之矣五句城內非舊六句城外
改觀七八借月憑弔烟波無限詩中變化之境也○南
史劉善明傳淮南近畿之形勝百戰見楚兩生行容
易見琴河感舊史記孟子傳騶衍以爲中國名曰赤縣
神州明史恭閔帝紀燕兵犯金川門谷王穗及李景
隆叛納燕兵都城陷許仲晦詩玉樹歌殘王氣終明
建文帝詩野老吞聲哭未休徐鄧見遇南廂園叟駱
賓王詩俄聞衛霍有功勲甲第見送杜敬武明史方

孝孺傳字希直一字希古寧海人金川門啟燕兵入帝
自焚是日孝孺被執下獄命磔諸市又黃子澄傳名湜
以字行分宜人燕師起王泣誓將吏曰陷害諸王非由
天子意乃奸臣齊泰黃子澄所爲也京城陷磔死漢書
項羽傳願賜骸骨歸羅昭諫詩三分孫策竟荒邱李
詩長安一片月秦淮見閬州行李詩曾照吳王宮裏
人韓詩降幡夜豎劉夢得詩千尋
鐵鎖沉江底一片降幡出石頭

原評此借臺城咏南渡事若出義出手猶隱躍言之
句句貼定金陵是詩律細處不曰金陵而曰臺城
是用意深處結句直似弔臺城者故曰化境也按一
統志方孝孺墓在江寧縣聚寶山而蘇州府志黃子
澄墓在崑山縣馬鞍山
之陽詩益連類及之耳

呂履恒字元素金川門詠史金川北望日黃昏聞道
燕師入此門不見古公傳季歷祇知太甲是湯孫風
雷豈爲鳴鴉變江漢難招杜宇魂南
渡降旗何面目西山西省恨舊乾坤

國學

明史選舉志初改應天府學為國子學後改建於鷄鳴山下既而改學為監

松柏曾垂講院陰後湖烟雨記登臨桓榮空有窮經志

伏挺徒增感遇心四庫圖書勞訪問六堂絃管聽銷沉

白頭博士重來到極目蕭條淚滿襟

首句曾字次句記字寄懷已深三四

之空有徒增即從此出也桓榮伏挺蓋以自比然四庫雖重而六館非昔徒下博士之淚而已梅村曾官司業故言之深切○杜詩西掖梧桐樹空留一院陰天

清一統志宋天禧初知昇州丁謂言城北有後湖宜復

舊制疏為陂塘以蓄水江寧府志

先師廟天印在

前元武湖居後鍾山峙左雞鳴環右元武湖之水循宮

牆而南合于青溪秦淮之水入青溪而北抵于雞籠皆

合襟於前以為

聖宮護衛杜牧之詩多少樓臺烟

雨中

桓榮見壽王鑑明窮經見朱買臣墓

南史伏

挺傳字士操梁天監初除中軍叅軍事居宅在潮溝於

宅講論語聽者傾朝廷三世同時聚徒教授罕有其比
除南臺書侍御史被劾懼罪乃變服出家後遇赦乃出
還俗侯景亂中卒江有擬劉文學楨感遇詩四庫見
汲古閣歌圖書見觀通天帖左傳昭元年子產曰晝以
訪問六堂見遇南廂園夏李義山詩內殿張絃管銷
沉見茸城行漢書百官表武帝建元五年初置五經
博士杜詩長使英雄淚滿襟

觀象臺

見遇南廂園叟

候日觀雲倚碧空一朝零落黍離同昔聞石鼓移天上

原注元移石鼓于大都

今見銅壺沒地中黃道只看標北極赤烏

還復紀東風郭公枉自師周髀千尺荒臺等廢宮

原注渾儀

郭守敬所造

首句題面次句題意三句賓四句主五句見帝京之盛六句言浦臺空在也結句醒出合

起句意○洪範傳天子立靈臺所以觀天文之變而俟日月左傳桓五年凡分至啟閉必書雲物梁簡文帝詩朝光蕩碧空一朝零落見行路難詩彼黍離離鼓見二十五日詩注三統志石鼓初在陳倉野中唐鄭餘慶取置鳳翔縣學而亡其一宋皇祐四年十數乃足大觀二年自京兆移汴梁靖康二年金輦至燕置王宣撫家復移大興府學元大德末虞集爲大都教授得之泥草中始移今所在國子監沉雲卿詩漢家城闕疑天上陸士衡刻漏賦挈金壺以南羅王仲初詩未明排仗到銅壺按沒地字出左傳隱十一年鄭莊公語明史天文志星旣依黃道行而赤道與黃道斜交其度不能無增減者勢也又北極出地度分北京四十度南京三十二度半赤烏見九峯草堂歌春秋莊公二十有四年郭公此借用晉書天文志漢靈帝時蔡邕於朔方上書言宣夜之學絕無師法周髀術數具存又蔡邕所謂周髀者卽蓋天之說也髀者股也股者表也明史天文志洪武十八年設觀象臺於鷄鳴山二十四年鑄渾天儀所用簡儀則郭守敬遺制荒臺見海戶曲

天清一統志明故宮

在上元縣紫禁城內

鷄鳴寺

天清一統志鷄鳴山本名鷄籠山南

後改為寺後祿元武湖前
俯京城登覽之勝處也

鷄鳴寺接講臺基扶杖重游涕淚垂學舍有人鋤野菜

僧寮無主長棠梨雷何舊席今安在支許同叅更阿誰

惟有誌公留布帽高皇遺筆讀殘碑

原注寺壁有高廟御筆題贊誌公像

此首以第二句為眼目而第二句又以重字為眼目
有人無主寫出荒涼安在阿誰感懷係之見寺都非昔
惟有殘碑如舊耳皆重游時目中之景意中之語也○
講臺見題虎邱圖扶杖見後東臯歌王仲宣詩中心
孔悼涕淚漣漣後漢書儒林傳序學舍顏敏鞠為園
蔬在彥之詩時挑野菜和根煮僧寮見送純祐浙幕

子山小園賦有棠梨而無館許仲晦詩寢園無主野棠

開南史雷次宗傳字仲倫豫章南昌人也宋元嘉十

五年徵至都開館於鷄籠山以儒學總監諸生時國子

學未立上留意藝文使丹陽尹何尚之立元學太子率

更令何承天立史學司徒參軍謝元立文學凡四學並

建社詩梁王安在哉世說支道林許掾諸人共在會

稽王齋頭遁為法師許為都講段柯古詩當時乏支許

何人契深致傳燈錄仁慧大師上堂曰我與釋迦同參

阿誰見壬辰補襖南史釋寶誌傳沙門釋寶誌者不

知何詩人有於宋太始中見之出入鍾山往來都邑武

帝乃迎入華林園少時忽重著三布帽亦不知於何得

之俗呼為誌公未句見遇南廂園叟殘碑見讀佛詩

功臣廟

明史太祖紀二年春正月乙巳立功臣廟於鷄籠山

年建與

史異

畫壁精靈間氣象郭公羽箭衛公刀丹青賜額豐碑壯

梁戟傳家甲第高鹿走三山爭楚漢鷄鳴十廟失蕭曹

英雄轉戰當年事采石悲風起怒濤

此首皆寫功臣廟之壯麗惟於末二

句見感懷與前後諸首小異○畫壁見西田和韻按精

華錄訓纂死者塑其象生者虛其位而此云畫壁蓋借

用語耳陪書音樂志精靈畢臻春秋演孔圖正氣爲帝

間氣爲臣秀氣爲人杜詩猛將腰間大羽箭又褒公

鄂公毛髮動舊唐書凌烟功臣二十四人衛國公李靖

第一鄂國公尉遲敬德第七新唐書鄂國公敬德第六

衛國公靖第七按常遇春初封鄂國公鄧愈初封衛國

公然玩其詩意借唐將以爲比耳且常鄧久贈王爵矣

王仲初詩賜額御書金字貴豐碑見讀西臺記榮

戟見壽龔芝麓傳家見觀法帖甲第見送杜欽武史

記淮陰侯傳蒯通曰秦失其鹿天下共逐之今楚漢分

爭使天下無罪之人肝腦塗地父子暴骸骨於中野不

可勝數按此比士誠友諒之戰也士誠友諒皆未至金

陵然二雄滅後金陵乃定耳一統志三山在江寧縣西

南顧寧人亭林集鷄鳴山下有功臣十廟杜詩指揮
若定失蕭曹英雄見蟋蟀盆歌轉戰見讀史雜詩
明史太祖紀至正十五年諸將請直趨集慶太祖曰取
集慶必自采石始采石重鎮守必固牛渚前臨大江彼
難爲備可必克也六月乙卯乘風引帆直達牛渚常遇
春先登拔之采石兵亦潰緣江渚壘悉附別詳采石磯
悲風見鷺湖曲怒
濤見贈馮子淵

元武湖

建康志宋元嘉中蔣陵湖有黑龍見改名
元武湖樂史寰宇記湖在上元縣北七里

周廻四
十里

覆舟西望接陂陀千頃澄潭長綠莎六代樓船供士女

百年版籍重山河

原注湖置黃州
庫禁人游玩

平川豈習昆明戰禁

地須通太液波烟水不關興廢感夕陽聞已唱漁歌

原注

時已有漁舟非復昔日之禁矣起二句點出湖景一

四見其爲黃册重地也五六作爲問答之詞結句烟波

無限妙與三四反對○天清一統志覆舟山在上

元縣東北十里陂陀見洗象圖後漢書黃憲傳汪汪

若干頃陂沈雲卿詩碧水澄潭映遠空元詩雨打桐花

蓋綠莎衛萬詩六代帝王都按六代吳晉宋齊梁陳

樓船見堇山兒周禮天官小宰聽閭里以版圖註版

戶籍也明史食貨志上戶部者册面黃紙故謂之黃册

上元縣志中有舊洲新洲及龍引蓮萼等洲置庫於洲

上以貯天下之圖籍五代史唐臣傳周德威曰平川

廣野騎兵所長漢書西南夷傳越雋昆明國有滇池方

三百里漢使求通身毒國爲昆明所閉欲伐之故作昆

明池以習水戰在長安西南週迴四十里三國志高

柔傳乃敢獵吾禁地漢書武帝紀帝作大池漸臺二十

餘丈名曰太液池柳文暢詩太液滄波起溫飛卿詩

五湖烟水獨忘機漁歌見蓉清湖序漁洋文畧登塔

望後湖湖亦號昆明池故明貯天下版籍之所今網罟

弗禁夕陽顏澹野水縱橫中惟荷葉田田千頃鳬鷺將

子十百成羣嘒
喋波間而已

秣陵口號

秣陵見馬草行
鮑有還都口號

車馬垂楊十字街
河橋燈火舊秦淮
放衙非復通侯第

原註中山賜
宅改作公署廢園誰知博士齋
易餅市傍王殿瓦
換魚

江上孝陵柴無端
射取原頭鹿
收得長生苑內牌

此首
感氣

淋漓如聽雍門之琴
蓋前七首各舉一事而言此則觸緒興懷萬感交集也
結句有彈指現須彌之趣○

大清一統志鎮淮橋在江寧府城南門外即古朱雀桁
所橫跨秦淮長十有六丈燈火見塗松晚發
放衙見

簡姜明府通侯見楚雨生序中山宅詳遇南廂園叟袁
子才曰中山宅今為布政司署其外宅曰西園屬吳氏

六朝松在焉
廢園見過王菴感興博士見國學
原
化記賀知章謂賣藥王老問黃白術持一大珠遺之老

人得珠卽令易餅與賀賀心念寶珠何以市餅老叟曰
怪吝未除術何由成杜詩蒼鼠竄古瓦不知何王殿
一統志明太祖孝陵在上元縣東北朝陽門外當鍾山
之陽本朝亦設陵戶守衛康熙二十八年特

諭嚴禁樵牧

韓詩原頭火燒靜兀兀碧里雜存初作

孝陵於鍾山之陽因山多鹿禁人捕獵而設孝陵衛於

山下特置牧馬千戶所蓋取義鹿馬欲其蕃息耳明

皇雜錄明皇狩至咸陽原有大鹿張果老曰昔武帝畋

於山林獲此鹿將捨去之日命東方朔以鍊銅爲脾刻

成文字繫於左角下驗之不謬鄭賓仙詩長生鹿瘦銅

脾垂蚓菴瑣語明朝南京孝陵內畜鹿數千項懸銀牌

人有盜宰者抵死崇禎末年余解糧到京往游陵上猶

見銀牌鹿往來林木中始信唐世芙蓉

園獲漢時宜春苑銅牌白鹿爲不誣也

原評梅村詠前朝事滄桑悲感俱近盛唐按金陵

遺事多有篇咏錢秉鐙字幼光金陵卽事秋山無樹

故峻嶒幾度支筇未忍登荒路行愁逢匹馬舊交老

漸變高僧鐘樓白吼南朝寺佛壇還然半夜燈莫向

雨花臺北望寒雲黯澹是鍾陵趙湮字雙白白門雜
感滿眼飛花落御溝霜鐘聲斷景陽樓官家詔促蛾
眉選府第粧成鳳侶愁不道金蓮繞學步無端瓊樹
已先秋琵琶泣向關山月何處香魂葬玉鈎彭孫適
字駿孫金陵懷古杜宇啼殘百感生西風建業舊神
京詩成狎客遺簪會酒泛諸郎按曲聲江外羽書空
絡繹禁中刀勅正縱橫大官別有長生藥不假天台
刺史行萬里山陵萬古愁南司北部總悠悠屠沽自
立宮中市寵養爭除關內侯肯向人間求故劍誰從
闕下問泉鳩姑谿幕府空貔虎一夕龍車不可留黃
與堅字庭表金陵雜感勅選良家降墨封玉車輕轡
進昭容花開並蒂鴛鴦煖酒醉同心琥珀濃蕭寺鼓
鼙驚翡翠蔣山風雪莖芙蓉飄零故劍秋江上回首
長于冷暮鐘龍虎鍾山百戰雄朔風吹浪下艤艫雕
戈壓陣黃沙斷鐵鎖沉江赤燒空鵲鵲觀消春雪裏
鳳凰臺冷暮雲中由來帝業終荒草銅狄何曾戀漢
宮阮旻錫字疇生金陵懷古風吹蘆荻作秋聲夢裏
猶疑舊戰爭烽火久銷京口戍寒潮還打石頭城長

江自昔稱天塹滄海何年洗甲兵我本烟波垂釣客
孤舟今夜月空明胡會恩字孟綸詩建業曾傳半壁
安秦淮鳴咽暮濤寒六朝寂寞青出在十廟陰沉畫
壁殘禾黍故墟屯鐵馬烟花南部失雕闌隔江玉樹
歌聲斷更有哀絃向月彈章靜宜字湘御詩鷄鳴山
上滿青莎元武湖邊空碧波草沒故陵埋石馬月明
荒徑泣銅駝六官夜雨棠梨落萬里秋江葦荻多猶
有南朝城堞在景陽遺恨獨悲歌汪沅字右湘讀南
渡野史作過江名士競從龍佐命先邀五等封閩外
新開都護府師中羣噪大司農文章江令嫺歌譜遊
宴長星勸酒鍾忽訝雙眉愁不展佳伶稀選未央宮
龍盤虎踞石頭城跋扈親麾漢水兵相國臨戎防北
伐將軍卷里急南征華林但問蝦蟆語葛嶺惟聞蟋
蟀聲燕子春登輞畧在不須司馬更連營石爲崧字
五中秋日坐秦淮水榭聞故老談金陵遺事木落江
南秋暮大開元訴罷轉茫然荆榛曾記從龍日鼙鼓
還傳失鹿年夜月照殘樓十二金風吹冷殿三千憑
誰坐說長江險玉樹歌終亦可憐包彬字文在金陵

雜感萬峯青拜故宮前王氣收時總黯然西下戈鋌
飛畫鷁北來笳鼓賊啼鵲春風淚灑桃花扇夜月歌
殘燕子箋彈盡淒涼天
寶曲江南愁殺李龜年

吳詩集覽卷十二下

七言律詩二之下

無題

按錢仲文有江行無題詩非艷詩也艷詩無題始於李義山然花間集詞皆無題故朱竹

垞以草堂詩餘之詞題爲非則無題之詩近於

詞矣程箋公會孫紫庭詡箋曰王先輩玉書麟

來志芸虞山瞿氏有才女歸錢生生患療女有

才色不安其室意屬先生扁舟過婁投詩相訪

先生以義自持因設飲河干賦無題四章以謝

之氏去歸石學士仲生申錢生故在也梁溪顧

舍人梁汾貞觀石所取士實爲之作合云按石


中順治丙戌進士歷官吏部左侍郎總督倉場

無題無題無題無題無題無題無題無題無題

無題無題無題無題無題無題無題無題無題

無題無題無題無題無題無題無題無題無題

無題無題無題無題無題無題無題無題無題



繫艇垂楊映綠潯玉人湘管畫簾深千絲碧藕玲瓏腕

一卷芭蕉展轉心題罷紅窗歌緩緩聽來青鳥信沉沉

天邊恰有黃姑恨吹入蕭郎此夜吟

繫艇垂楊即指玉人言之故二四皆

極贊玉人語也紅窗微歌無如青鸞信杳此是玉人之

恨然天上人間恨者不少願托天風吹入蕭郎之耳故

知起句指玉人不指蕭郎矣○高季迪詩繫艇岸垂花

沈休文詩吐綠照清潯玉人見琴河感舊陳敬初詩

自拈湘管認啼痕杜牧之詩四面朱樓卷畫簾季義

山詩莫將越客千絲網杜詩佳人雪藕絲拾遺記西王

母來進萬歲冰桃千年碧藕范致能詩甘瓜削玉藕玲

瓏羣芳譜蕉一名甘蕉一名芭蕉一名芭苴一名天

苴一名綠天一名扇仙草類也詩展轉反側百詩畫
梁巧折紅窗破按詞名有紅窗聽歌緩緩見王郎曲
青鳥見鴛湖閨咏沉沉見琵琶行杜牧之詩昭陽歌斷
信沉沉荆楚歲時記河鼓黃姑牽牛也皆語之轉
蕭郎見琴河感舊李
詩此夜曲中聞折柳

王介甫詩西窗一夜無人問展盡芭蕉數尺心唐庠
詩春心正似芭蕉卷羞見宜男並蒂花此在梅村以
前者鄭王臣字慎人香草草人如楊柳眠還起心似
芭蕉卷不舒此在梅村以後者然慎人句爲出藍矣
李義山詩芭蕉不展丁香
結同向東風各自愁更佳

其二

到處鶯花畫舫輕相逢只作看山行鏡因硯近螺頻換
書爲香多蠹不成媿我白頭無冶習讓君紅粉有詩名

飛瓊漫道人間識一夜天風返碧城

此首於纏綿中有解脫語當於言外

得之三四錯綜其詞對鏡試螺因硯近而頻換聚書防

蠹爲香多而無虞香奩體中不嫌其纖○鶯花見鴛湖

閨詠畫舫見贈文園公羅鄴詩相逢休作憶山吟看

由見商倩郊居陸務觀詩墨試小螺看斗硯呂和

叔詩紙上香多蠹不成易治答誨淫杜詩結束多

紅粉歡娛恨白頭張文昌詩多生修律業外學得詩名

本事詩許瀣嘗夢登山人曰此崑崙也既入見數人

飲酒賦詩云曉入瑤臺露氣清座中惟有許飛瓊塵心

未斷俗緣在十里下山空月明他日復夢至其處飛瓊

曰子何故顯余姓名于人間即改爲天風吹下步虛聲

曰善碧城

見西泠閣詠

其三

錯認微之共牧之誤他舉舉與師師疎狂詩酒隨同伴

細膩風光異舊時畫裏綠楊堪贈別曲中紅豆是相思

年華老大心情減辜負蕭娘數首詩

張如哉曰微之決絕於蒲東牧之薄

倖於青樓故以自況綠楊贈別見其人已遠紅豆相思

則我懷如訴矣寫盡悵望之情又曰疎狂詩酒承微

之牧之說細膩風光承舉舉師師說心情已減故云錯

認辜負蕭娘乃真誤他也○唐詩紀事元稹字微之杜

牧字牧之北里志鄭舉舉者居曲中亦善令章張邦

基汴都平康記政和間李師師崔念月二妓名著一時

賈耳總道君北狩更有李師師小傳百詩疎狂屬年

少同伴見彈琴歌元寄薛濤詩細膩風光我獨知杜

詩文武衣冠異昔時百詩綠楊陌上送行人本草

相思子一名紅豆別見琵琶行注予山杖賦年華未

暮容貌先秋老大見送何省齋補注李有中詩寒松肌

骨鶴心情張如哉曰李少卿答蘇武書陵雖孤思漢

亦負德此後人用辜負字

所本蕭娘見鴛湖閨咏

東	風	燕	子	知	多	少	珍	重	雕	闌	白	玉	花	前	半	首	贊	美	之	後
半	首	亦	贈	別	之	意	刻	燭	詩	從	謝	女	誇	天	上	異	香	須	有	種
春	來	飛	絮	恨	無	家	細	雀	金	蠅	籠	臂	紗	閣	粧	初	不	關	鉛	華
藏	鉤	酒	向	劉	郎	賭	○	顧	阿	瑛	詩	寶	雀	玉	蠅	簪	髻	翠	韓	致
光	詩	醉	後	金	蠅	重	晉	書	胡	貴	嬪	傳	泰	始	九	年	帝	多	簡	良
家	子	女	以	充	內	職														

其四

東風燕子知多少珍重雕闌白玉花
前半首贊美之後
 半首亦贈別之意

刻燭詩從謝女誇天上異香須有種
 春來飛絮恨無家

細雀金蠅籠臂紗閣粧初不關鉛華
 藏鉤酒向劉郎賭

○顧阿瑛詩寶雀玉蠅簪髻翠韓致光詩醉後金蠅重
 晉書胡貴嬪傳泰始九年帝多簡良家子女以充內職

自擇其美者以絳紗繫臂三夢記唐末宮中髻號開
掃梳形如焱風散鬢蓋盤鴉墮馬之類鉛華見玉京墓
採蘭雜記古人以二十九日爲上九初九日爲中九
十九日爲下九每月下九置酒爲婦女之歡女子以是
夜爲藏鉤諸戲藝經藏鉤卽今藏闌李義山詩隔座送
鉤春酒暖李楚望詩一聲歌罷劉郎醉脫取明金壓繡
鞋高季迪詩賭酒射中堂刻燭謝女見西泠閨詠
李山甫詩一片異香天上來晉書張華傳茂先卿尚有
種也劉夢得詩春盡絮飛留不得隨風好去落誰家
爲楊枝別樂天作也杜牧之詩掃眉才子知多少
宋世詩遺情更說何珍重離闌見圓圓曲
李義山謠柳詩已帶黃金纓仍飛白玉花
或謂此等詩多屬寓言如楚辭之美人香草然其二
之愧我白頭無治習讓君紅粉有詩名其三之年華
老大心情減辜負蕭娘數首詩斷非比體梅村集中
惟行路難第十七首古意六首爲寓言耳餘於出處
之義故國之思多質言之也

百草堂觀劇

杜牧之詩魏帝縫裳直戲劇

肯將游俠誤躬耕愛客村居不入城亭占綠疇朝置酒

船移紅燭夜鳴箏金螯斫鱸霜螯美玉粒呼鷹雪爪輕

原注

主却話少年逢社飲季心然諾是平生

觀劇於第四句畧點

人好獵

餘皆形容愛客另是一格○游俠見又咏古躬耕見汲

古閣歌

曹詩公子敬愛客村居見避亂入城見冬霽

顏延年詩

行漾觀綠疇置酒見王郎曲紅燭見孫

孝若山樓杜詩

絃將手語彈鳴箏南部烟花錄南人

魚鱸細縷金橙拌之號為金螯玉鱸斫鱸見蔡清湖陸

務觀詩江浦得霜螯杜詩碧酒隨玉粒襄陽耆舊傳

劉表為荊州刺史築臺名呼鷹高越咏鷹詩雪爪星眸

世所希社飲見癸巳禊飲史記季布傳季布弟李

心以勇布以諾著聞

關中然諾見哭志衍

送李秀州擢寧紹道

按浙江通志分巡寧紹道康熙九年設二十三年改為寧

紹台道巡海道于康熙六年裁而嘉興知府李國棟遼東錦州人順治六年任巡海道李國棟順治十年任則隆吉即國棟寧紹應改書海道耳又通志載寧紹道止三人無氏李者

楊柳春風起郡樓故人嚴助昔同游烟霞到處推仙吏

檠戟今看冠列侯長水圖書移遠棹大雷笳鼓對清秋

閱兵海上應西望秦駐山高即秀州

前半首總寫後半首秀州寧紹分寫

○楊柳春風見謁張石平岑參詩江雲黑郡樓嚴助

見朱買臣墓國語世同居少同遊第三句見簡姜明

府檠戟見壽龔芝麓史記高祖紀六年論功與諸列

侯剖符行封一統志長水塘在嘉興府嘉興縣南六

里圖書見松鼠張南史詩遠棹漳渠水一統志大雷

山在寧波府奉化縣西南四十里四明支山也曹景宗

詩歸來笳鼓競清秋見贈雪航（春秋）桓六年秋八月

壬午大閱（一統志）寧波府境東南北三面環海西望出

左傳成十三年呂相語（一統志）秦駢

山在嘉興府海鹽縣南十八里濱海

周櫟園有墨癖嘗畜墨萬種歲除以酒澆之作祭

墨詩友人王紫崖話其事漫賦二律

黃虞稷櫟下先生行狀先

生姓周氏諱亮工字元亮河南開封府祥符縣

人先世居金谿之櫟下因自號櫟園先生籍大

梁而寔白下也（感舊集）補傳元亮崇禎庚辰進

士官戶部侍郎（世說）阮籍胸中壘塊故須酒

澆之（按）祭墨詩賴古堂集不載惟行狀內有

喜墨歲暮嘗約同人為祭墨之會（程迓亭）曰

王紫崖不知何許人本武將國

變後為僧以紫崖自晦其名

含香詞賦擲金聲家住元都對管城萬笏雅應推正直

一囊聊復貯縱橫藏雖黷澹終能守用任欹斜自不平

磨耗年光心力短只因耽誤楮先生

楮集作楮此首永墨○漢官儀尚

普郎含鷄舌香伏奏事審書孫綽傳綽作天台賦成示

范榮期曰卿試擲地當作金石聲杜詩屋前太古元

都覆此借用退之毛穎傳毛穎者中山人也封之管城

老學菴筆記伯祖中大夫好墨成癖李黃門邦直在

真定常寄先左丞以陳瞻墨四十笏盡以爲伯祖壽書

平康正直杜詩有作成一囊縱橫見哭志行黷澹

見畫蘭曲欹斜見松鼠季義山詩心中自不平蘇

詩人非磨墨磨人楊炯詩年光搖樹色心力見汲古

閣歌金史五行志童謠云耽誤盡少年人玉篇耽俗

耽字更記三王世家注楮先生穎川人仕元成間張如

哉曰楮字當從木用退

之毛穎傳楮先生之楮

其二

山齋清玩富琳琅似璧如圭萬墨莊口啜飲同局士癖

頭濡書類酒人狂但逢知己隨濃澹若論交情耐久長

不用黃金費裝裹伴他銅雀近周郎

此首為櫟園寫生句句切墨○庚詩

雲氣滿山齋歐陽原功詩山莊劉氏富清玩書厥貢惟

球琳琅玕詩如圭如璧張邦基墨莊漫錄序僕喜藏

書隨所寓榜曰墨莊故題其首曰墨莊漫錄東坡集

茶可於口墨可於目蔡君謨老病不能飲則烹而玩之

呂行甫好藏墨而不能書則時磨而小啜之此又可以

發來者之一笑也書影滕達道蘇浩然呂行甫皆好啜

墨水國史補張旭飲醉輒草書揮筆而大叫以頭搥

水墨中而書之醒後自視以為神異更記荆軻傳荆軻

雖游於酒人乎杜詩濃澹樹榮枯唐書魏元同傳

元同與裴炎締交能保終始號耐久朋彙苑顏潛菴

詩一笏烏金貯豹囊銅雀見永和宮詞文房四譜古

瓦硯出相州魏銅雀臺里人掘土往往得之貯水數日

不滲周郎
見圓圖曲

贈陽羨陳定生

（一統志）陽羨故城在常州府宜興縣南五里常州府志陳貞慧字定

生宜興人少保于廷第四子祿原一陳檢討誌
銘貞慧副榜貢生改官生贈檢討稱村冒辟疆
壽序往者天下多故江左尙晏然一時高門子
弟才地自許者陽羨陳定生歸德侯朝宗與辟
疆爲三人品覈執政裁量公卿雖甚強梗不能
有所屈撓有皖人者流寓南中故奄黨也會三
人者置酒鷄鳴埭酒酣輒衆中大罵曰若奄兒
媼子乃欲以詞家自贖乎於是大恨次骨申西
之亂彼以攀附驟枋用興大獄以修舊郤定生
爲所得幾填牢戶朝宗遁之故鄣由中南中人
多爲辟疆耳目者跳而免

溪山疊畫好歸畊櫻筍琴書足性情茶有一經真處士

橘無干絹舊清卿

原注故卿史大夫子

知交東冶傳鉤黨子弟南

皮負盛名却話宋中登望遠天涯風雨得侯生

原注定生借侯

朝宗在南中幾及鉤黨禍侯生歸德人

贈定生而切

其里第家世子弟友生則定生之身分自出矣（樂史）

寰宇記（沂溪）今俗呼為菴畫溪在宜興縣南三十六里

秦中歲時記長安四月已後自堂厨至百司厨通謂

之櫻筍厨（琴書見六真歌）溫飛卿詩松竹風姿鶴性情

陽羨茶見永和宮詞茶經見壽陸孟鳧一經見（贈蔡）

羽明賓退錄五代唐帝謂史虛白曰真處士風月主人

蜀歐陽彬也（襄陽耆舊傳）李衡為丹陽太守遣人往

武陵龍陽泛洲上作宅種橘千株臨死勅兒曰吾州里

有千頭木奴不責汝食歲上匹絹亦當足用耳（北史袁）

聿修傳邢邵報書曰弟昔為清郎今日更作清卿矣（明）

詩綜陳于廷字孟鏐宜興人起為南京都察院右都御

史召總內臺知交見贈吳雪航南史袁象傳為冠軍

將軍監吳興郡坐過用祿錢免官付東冶武帝遊孫陵

望東冶曰冶中有一好貴因鈞黨見讀史維詩叛橋維
記大鍼恨朝宗羅致欲殺之朝宗跳而免并欲殺定生
也定生大爲錦衣馮可宗所辱南皮見癸巳硯飲盛
名見王郎曲按子弟謂陳維崧其年維岳緯雲宗石子
萬等也杜詩昔我遊宋中一統志歸德府周爲宋國
登望見讀西臺記天涯見送何省齋詩小序風雨思
君子也按侯生字借用史記信陵君傳明史劉澤清傳
請法司嚴緝故總督侯恂及其子方域朝廷皆曲意從
之後冠紀畧懷寧阮光祿大鍼者負縱橫才以閹黨故
廢歸德侯方域嘗偕其友移書罵之方域侍郎恂次子
也富左兵南潰方域僑寓陪都大鍼頌言良王爲賊而
目侯以同反國朝詩別裁集方域字朝宗河南商邱
人

張如哉曰陳其年夏日河間詩孤篷遠道思綿綿伏
枕唵成倍悄然扁鵲廟荒帆似雪卅兮城暮草如烟
他鄉雲水愁中跡故國陰涼夢裏緣聞道南皮還此
地寒冰朱李是何年或其年兄弟曾在南皮故此詩

用之與
俟考

江樓別幼弟孚令

五律別孚令弟云昨歲衝寒別蕭條北固樓正指此江樓也蓋

梅村北上時孚令送之於此

野色滄江思不窮登臨傑閣倚虛空
雲山兩岸傷心裏雨雪孤城淚眼中
病後生涯同落木亂來身計逐飄蓬

天涯兄弟分攜苦明日扁舟聽曉風

從江樓起三四將江樓別弟寫成一

片五六是傷心淚眼之由結句點出別字○賈閬仙詩過橋分野色滄江見讀西臺記傑閣見讀佛詩虛空

見林屋洞

兩岸見閬州行補注楚辭目極千里今傷

春心

張子澄詩獨有離人開淚眼杜詩乾坤醉眼中

生涯見塗松晚發落木見遇具和尚身計見送穆

苑先杜詩秋來相顧尚飄蓬

天涯見送何省齋分攜

見贈願雲師唐明
皇詩鷄聲逐曉風

揚州揚州見閬州行

疊鼓鳴笳發棹謳榜人高唱廣陵秋官河楊柳誰新種
御苑鶯花豈舊游十載西風空白骨廿橋明月自朱樓

南朝枉作迎鑾鎮難博雷塘土一邱次句點明揚州三

五六一虛一實結句所感者深○謝元暉鼓吹曲疊鼓

送華朝魏畧從者鳴笳以啟路王冷然詩隋家天子憶

揚州鳴笳疊鼓沈清流鮑詩瞰川悲棹謳榜人見磬

清湖序西京雜記齊首高唱聲入雲霄一統志揚州府

表漢廣陵國元和志合瀆渠本吳所掘邦溝水路也

今謂之官河通鑑隋紀大業元年開邦溝自山陽至揚

子入江渠旁皆築御道樹以柳一統志隋苑在揚州

府江都縣北七里鶯花見贈季雲田舊遊見虎邱夜集

圖 白骨見閬州行 〔杜牧之詩二十四橋明月夜〕
統志古二十四橋在揚州府甘泉縣西門外 〔後漢書馬
衍傳伏朱樓而四望兮 南朝見韓蘄王墓五代史楊
溥世家溥至白沙開舟師徐溫來見以白沙為迎鑾鎮
杜牧之詩揚帝雷塘土迷藏有舊樓〕

一統志隋煬帝冢在甘泉縣西北雷塘
末二句與鍾山結句足相發明 丹鉛錄岑參凱歌
鳴笳搥鼓擁回車今本搥作疊非近制啟明定昏鼓
三通曰發搥當用此字俗作搥非搥亦俗字然差善
于搥古樂府官家出游雷大鼓雷轉作去聲用

其二

野哭江村百感生關鷄臺憶漢家營將軍甲第橐弓卧

丞相中原拜表行白面談邊多人幕赤眉求印却翻城

當時只有黃公覆西上偏隨阮步兵

集作徧非此首
弔史可法而兼及

同時諸將也○野哭出禮記裴航傳一飲瓊漿百鳳生

一統志拾遺記湯帝於吳公宅闢雞臺下恍惚與陳

後主相遇當卽是吳公臺也吳公臺在甘泉縣西北四

里一名鷄臺祖詠詩笳鼓喧喧漢將營中第見送杜

岌武詩載橐弓矢綱目漢後王建興五年三月丞相

亮率諸軍出屯漢中以圖中原文選前出師表注亮率

軍北駐漢中臨發上疏晉書劉牢之傳拜表輒行按拜

表卽行史可法傳中語也晉書何充傳荆楚國之西

門豈可以白面年少猥當此任哉宋書沈慶之傳今欲

伐國而與白面書生輩謀之事何由濟晉書郗超傳郗

生可謂入幕之賓矣東觀漢記樊崇欲與王莽戰恐

其衆與莽兵亂乃皆朱其眉以相識別由是號曰赤眉

魏書秦王翰附傳共謀翻城寄園寄所寄興平伯高傑

字英吾顧獨有意揚州揚州居天下膏腴有新舊二城

城州爲肆賣區子女環寶累萬萬高放手剽掠人屠創

日以百數保者恐授兵登陴誓死守是時史公方渡江

誓師高見揚人之暴骨者載道慮公以爲非法趣其下

宵坎而埋之旣庭謁請公開城門納其兵公弗許謀止

公以要之公談笑不爲動徐草奏與以瓜步城衆稍稍
留服按傑本流賊竊李自成妻邢氏來降故以赤眉比
之三國志黃蓋字公覆零陵泉陵人也晉書劉宏
傳引兵欲西上步兵兵見又咏古杜詩宜憂阮步兵明史
諸王傳左良玉舉兵武昌以救太子誅士英爲名順流
東下阮大鍼黃得功等帥師禦之又左良玉傳時築版
堵磯爲西防曰西
何所防此爲我耳

陸雲士曰南都情事該括
無遺筆有抑揚意仍含蓄

其三

盡傾通侯位上卿三分淮蔡各專征東來處仲無他志
北去深源有盛名江左衣冠先解體京西豪傑竟投兵
只今八月觀濤處浪打新塘戰鼓聲

此首詠四鎮等事
處仲借說左兵以

誅馬阮為名深源借說高傑銳意北上也○通侯見楚
兩生序退之平淮西碑既定淮蔡專征見送杜牧武
明史諸王傳史可法督師江北召士英八分淮揚鳳廬
為四鎮以總兵官黃得功劉良佐劉澤清高傑領之
晉書王敦傳字處仲永昌九年率眾內向以誅劉隗為
名後漢書袁紹傳非有他志晉書王羲之傳殷浩將
北征羲之以為必敗又殷浩傳字深源續晉陽秋陳郡
殷浩素有盛名時論比之管葛故徵浩為揚州讀史訂
疑唐人諱曷以丙丁為景丁諱淵以殷淵源為深源
晉書王述傳永嘉不競暫都江左南史袁憲傳後王謂
曰非惟由我無德亦是江東衣冠道盡左傳成八年四
方諸侯其誰不解體投兵見遇劉雪舫枚叔七發
將以八月之望與諸侯遠方交游兄弟並往觀濤乎廣
陵之曲江李詩浪打天門石壁開一統志新塘在揚
州府城北十里

戰鼓見東萊行

王忬字懌民揚州次梅村韻牙門置酒宴公卿錦囊
雕鞍命北征縛綳健兒誰轉戰借籌策士總虛名百

年洛蜀關時運六代烟花兆甲兵擊楫中流無限恨
夜闌欹枕聽江聲趙進美字韞退廣陵懷古爭奉華
林翠輦遊空傳宰相領揚州青中結陣兵先破白水
臨江氣已收五馬荆榛迷晉渡千家燈火亂隋樓遺
民猶自歌袁粲日暮風烟接石頭沈磐字石鈞金陵
漫興元老宜參帷幄籌誰令分閫鎮揚州廟堂決勝
全無策宰相臨戎豈自由百戰餘生終殉國九原
遺恨在同舟至今鳴咽那溝水徧遶蕪城哭未休

其四

撥盡琵琶馬上絃玉鈎斜畔泣嬋娟紫駝人去瓊花院

青冢魂歸錦纜船荳蔻梢頭春十二茱萸灣口路三千

隋堤璧月珠簾夢小杜曾游記昔年

此首悲揚州夢也
四首首尾合之分

之俱成章法是梅村得意之筆○陶秀實詞琵琶撥盡
相思調王子羽詩欲飲琵琶馬上催一統志揚州府

戲馬臺其下有路號玉鉤斜爲隋塋宮女處嬋娟見行
路難（杜詩紫駝之峯出翠釜季義山詩人去紫臺秋
入塞（一統志）蕃釐觀在江都縣治東中有瓊花俗名瓊
花觀（青家見彈琴歌魂歸見青門曲張見續詩金堤
分錦纜（杜牧之詩娉娉裊裊十三餘荳蔻梢頭二月
初（一統志）茱萸溝在江都縣東北運河分流也以北
有茱萸村故名亦名茱萸灣（趙景真答稽茂齊書悠悠
三千路難涉矣（吳子華詩隋隄風物已淒涼南史張
貴妃傳壁月夜夜滿（杜牧之詩春風十里揚州郭捲上
珠簾總不如（小杜見贈霍魯齋杜牧之遣懷詩十年
一覺揚州夢贏得青樓薄倖名

韋端已詩昔年曾向武陵遊

闕名（隋宮詩穀洛通淮日夜流渚荷宮樹
不曾林十年土女河邊骨一笑君王鏡裏頭月下虹
蜺生水殿天中絲管在迷樓繁華
往事那江外風起楊花無那愁

過維揚弔衛少司馬紫岫（原注衛韓城人與余同
年同官後以少司馬死

揚難劉希夷詩潮平見維揚明史高傑傳傑移駐徐州以左中允衛允文兼兵科給事中監

其軍

畫省連床正論文正集作止非天涯書劍忽離羣非關衛瓘

需開府欲下高昂在護軍原注高杰秦人朝議以紫岫同鄉拜兵部侍郎典其軍事

墓骨九原江上月思家百口隴頭雲故人搖落邛溝暮

為酹椒漿一慟君前半首指紫岫初作監軍時後半首寫弔字起結相應○漢官典職尚書

省皆以粉壁畫古賢烈士曰畫省亦曰粉省朱子詩妙語夜連床陳伯玉詩書劍百夫雄按書劍字蓋出於

項羽紀學書學劍離羣見送繼起和尚晉書衛瓘傳

字伯玉河東安邑人也晉王即位拜侍中轉廷尉卿鄧艾鍾會之伐蜀也瓘以本官持節監艾會軍事開府見老妓行北齊書高昂傳字敖曹數為劫掠州縣莫能

治高祖方有事關隴以昂爲西南道大都督漢書百官
公卿表護軍都尉秦官元壽元年更名司寇元始元年
更名護軍明史高傑傳傑米脂人禮趙文子與叔譽
觀乎九原思家見訪霍魯齋百口見避亂其三古樂
府有隴頭歌柳文暢詩隴首秋雲飛搖落見讚佛詩
邢溝見聞園序椒漿見登封烈婦一慟見哭亡女
按傑傳允文以兵垣監軍非侍郎也又史可法傳士
英忌可法威名加故中允衛允文兵部右侍郎總督
興平軍以奪可法權允文傑同鄉也陷賊南還傑請
爲已監軍傑死允文承士英指疏請可法士英喜故
有是命則衛爲侍郎已在監傑軍之後與詩中原注
不盡合又可法傳中敘揚州死難者甚悉醫者畫士
市民舟子皆書姓名而不及允文或以允文陷賊南
還又附士英請可法故削而不書與然如劉國慶劉
國能曾爲賊將尙得以死事立傳梅村此詩
或亦傳聞之異也一統志亦不載允文事

過淮陰有感

淮陰見臨淮老妓行袁子才曰紀行
諸首時露流離牽挽之意當非浪作

落木淮南雁影高孤城殘日亂蓬蒿天邊故舊愁聞笛

市上兒童笑帶刀世事真成反招隱吾徒何處續離騷

昔人一飯猶思報廿載恩深感二毛

起句點出淮陰下六句用淮陰故事

結句實寫有感○韓詩淮南悲木落一統志淮安府唐

屬淮南道雁影見海戶曲殘日見韓蘄王墓蓬蒿見

雁門尚書行向子期思舊賦序余與嵇康呂安居止

接近其人並有不羈之才後各以事見法余逝將西邁

經其舊廬於是日薄虞淵寒冰淒然隣人有吹笛者發

聲寥亮追思曩昔遊宴之好感音而歎故作賦云按賦

有經山陽之舊居明史地理志淮安府山陽倚更記

淮陰侯傳淮陰屠中少年有侮信者曰若雖長大好帶

刀劍中情怯耳衆辱之曰信能死刺我不能死出我袴

下於是信熟視之俛出袴下蒲伏一市人皆笑信以爲

怯王康琚反招隱詩小隱隱陵藪大隱隱朝市漢

淮南王劉安招隱士序招隱士者淮南小山之所作也

小山之徒閔傷屈原身雖沉沒名德顯聞與隱處山澤無異故作招隱士之賦以彰其志也漢書揚雄傳又旁離騷作重一篇名曰廣騷陸務觀詩更書香草續離騷一飯見送杜于皇淮陰侯傳信喜謂漂母曰吾必有以重報母左傳注二毛頭白有二毛

其二

登高悵望八公山琪樹丹崖未可攀莫想陰符遇黃石

好將鴻寶駐朱顏浮生所欠止一死塵世無繇識九還

我本淮王舊雞犬不隨仙去落人間

通首用淮陰故事而奇憤獨深○悵

望見琴河感舊一統志八公山在鳳陽府壽州北少東五里孫興公遊天台山賦琪樹璀璨而垂珠丹崖見歸雲洞廬子行詩庭中琪樹已堪攀王子安詩梁岷未可攀陰符經上篇下篇漢張良著史記留侯世家良

嘗聞從容步游下邳圯上有一老父出一編書曰讀此則爲王者師矣後十年興十三年孺子見我濟北穀城山下黃石卽我矣遂去無他言不復見旦日視其書乃太公兵法也〔漢書劉向傳〕上復與神仙方術之士而淮南有枕中鴻寶苑秘書〔白詩〕又無丹藥駐朱顏〔浮生見二十五日詩〕〔北史〕劉聰時陳休卜崇爲人清直素惡王沉等曰吾輩年逾五十職位已崇惟欠一死耳宋史范質傳但欠世宗一死爲可惜耳〔元詩〕塵世苦懂懂隱丹經九還丹合九轉言九遍循環也〔神仙傳〕淮南王好道白日升天時藥置庭中雞犬舐之盡得升天故雞鳴天上犬吠雲中〔王守溪詩〕不教名字落人間

贈淮撫沈公清遠

〔黎城高濟謙仲偕曰〕江南通志順治六年裁去鳳撫歸總漕兼

理巡撫事王文奎浙江人順治二年任
沈文奎卽王文奎復姓順治十年再任

秋風杖節賜金貂高會嚴更響麗譙去國丁年遼海月

還家甲第浙江潮書生禮樂修元雁諸將弓刀掣皂鵬
最是東南資轉餉功成蕭相未央朝起句與清遠相遇三四是清遠往事
五六寫清遠近績也結句稱願之意○杜簡見送杜
武漢書谷永傳戴金貂之飾西都賦衛以嚴更之署
麗譙見樓聞晚角李少卿答蘇武書丁年奉使遼海
見拙政園序甲第見送杜岑武宋延清詩門對浙江
潮書生見雪中遇獵儀禮大夫相見以雁諸將見
讀史雜感弓刀見避亂杜詩皂鵬寒始急漢書高帝
紀老弱罷轉餉又蕭何傳夫漢與楚相守滎陽數年
軍無見糧蕭何轉漕關中給食不乏未央見遇南廂園
叟

淮上贈嵇叔子

一統志嵇宗孟字叔子淮安山陽人歷杭州守歸舉博學鴻詞辭疾

湖海相逢一俊英風流中散舊家聲琴因調古須防怨

詩爲才多莫近名濁酒如淮歌慷慨蒼髯似戟論縱橫

慚余亦與山公札抱病推遷累養生

通首從嵇字生情五六是淮上叔子

結最用意○三國志陳登傳陳元龍湖海之士豪氣不除賈闓仙詩湖海相逢客恨多杜詩淮海維揚一俊人

晉書嵇康傳字叔夜拜中散大夫家聲見贈文園公康傳初康嘗游平洛西暮宿華陽亭引琴而彈夜分

忽有客詣之獨是古人與康共談音律辭致清辨因索琴彈之而爲廣陵散聲調絕倫遂以授康（飲漳詩綠琴

聽古調左傳襄三十一年不聞作威以防怨（晉書孫登傳嵇康又從之游登乃曰子才多識寡難乎免於今

之世矣（莊子爲善無近名）嵇叔夜詩古人有言善莫近名（康傳濁酒一杯左傳昭十二年有酒如淮慷慨見

又詠古（孔叢子）臣嘗行臨淄市見屠商焉身修八尺

鬚髯如戟縱橫見哭志衍（世說山公將去選曹欲舉嵇康康與書告絕）（沈雲卿詩朝則抱病走陶詩日月推遷康傳乃著養生論

過宿遷極樂菴明日晤陸紫霞年兄話舊有感一統

志宿遷縣在徐州府東一百里海寧陳模曰極

樂菴在宿遷縣西北馬陵山後程迂亭曰陸紫

霞名奮飛崇禎辛未進士宿遷縣志陸奮飛字

神霄歷九江道解組歸里話舊見遇劉雪舫

同時知己曲江遊縱酒高歌玉腕騶黃葉渾隨諸子散

白頭猶幸故人留雲堂下榻逢僧飯雪夜聽鐘待客舟

如此衝寒緣底事相逢無計訴離愁

前半首話舊後半首有感結氣用意

○國史補進士大宴於曲江亭子謂之曲江會杜詩

白首放歌須縱酒陶詩抗音高歌杜有玉腕騶詩黃

葉見維摩楓林絕勝韓君平詩把酒故人留陸務

觀詩身是雲堂旦過僧沈休文詩賓至下塵榻高達夫

詩僧飯屢過門干鵠詩遙聽候山半夜鐘陶詩誰言

客舟遠衝寒見別字令元詩寧戚飯牛緣底事杜

牧之詩寧

復緩離愁

白鹿湖陸墩詩

原注在宿遷縣東爲紫霞年兄避兵處 一統志白鹿湖在宿遷縣

西南五十里宿遷縣志陸奮飛解組歸里居白鹿湖之東柳洲

招提東望柳堤深雁浦魚莊買棹尋墩似謝公堪賭墅

湖如賀監早抽簪雲遮老屋容君卧月落空潭照此心

百頃荷花千尺水夜涼兄弟好披襟

前半首寫景後半首言情穩勻之作

○唐會要官賜額爲寺私造者爲招提蘭若僧輝記招提者梵言拓闢提奢唐言四方僧物但傳筆者訛拓爲招去闢奢留提字卽今十方住持寺院耳柳堤見鴛湖曲滕王閣序雁陣驚寒聲斷衡陽之浦魚莊見送杜陵武朱子詩買舟至西郭李詩冶城訪遺蹟猶有謝公墩一統志謝公墩在上元縣北江寧府志金陵有兩

謝公墩在冶城北與永慶寺南者乃謝安石所眺若荆
公宅之半山寺所云謝公墩乃謝元所居在舊內東長
安門外銅井菴傍所謂半山里者荆公或誤以爲太傅
也賭墅見送沈繹堂唐書賀知章傳字季真肅宗爲
太子遷賓客授秘書監天寶初請爲道士詔許之又求
周宮湖數頃爲放生池有詔賜鏡湖剡川一曲子山小
園賦廼又羨於抽簪萬俟雅言詞暮雲遮陳無已詩
老屋無僧燕作家空潭句見謁劉公百頃見避亂
詩隱有荷華李詩桃花潭水深千尺
孟詩松月生夜涼披襟見宮扇

自信

自信平生懶是真底須辛苦踏春塵每逢墟落愁戎馬
却聽風濤話鬼神濁酒一杯今夜醉好花明日故園春
長安冠蓋知多少頭白江湖放散人
詩成之後拈首二字爲題如杜詩能

畫歷歷之類其原出於毛詩三句追言明末時到處避
兵四句言風波相迫又赴宣室之召也五句旅況六句
鄉思結句言長安多熱客冀得放歸也○杜詩近識峨
嵋老知余懶是真又文章差底病韓詩有底忙時不
肯來李典底設疑之辭辛苦見遇劉雪舫墟落見茸
城行戎馬見題志衍畫杜詩春江不可渡二月已風
濤史記賈生傳孝文帝問鬼神之本賈生因具道所以
然之狀濁酒一杯見贈稽叔子元詩好花須是少
年看盧允言詩似見故園春冠蓋見送何省齋孟
詩花落知多少唐書陸龜蒙傳自號江湖散人

新河夜泊

一統志新河在淮安府清河縣西北四
十五里黃河分流也杜牧之詩夜泊秦

淮近
酒家

百尺荒岡十里津夜寒微雨濕荆榛非關城郭炊烟少
自是河山戰鼓頻倦客似歸因望樹遠天如夢不逢人

扁舟蕭瑟知無計獨倚篷窗暗愴神起句點題三四承上用流水法後半

言情是從泊字用意也時漸近京故情詞漸迫○荒岡見下相懷古補注按一統志于家岡九里岡皆在桃源

縣黃河之濱而新河與桃源接界荒岡疑指此蘇叔

黨詞夜寒江靜山銜斗潘安仁閒居賦微雨新晴六合

清明荆榛見又詠古其二陸務觀詩茅簷細雨濕炊

烟河山見閬州行戰鼓見東萊行陸士衡詩余本

倦遊客王介甫詩楚天如夢水悠悠蘇詩

玉笙哀怨不逢人又蓬窗高枕雨如繩

將至京師寄當事諸老

梅村周安人墓誌當世祖章皇帝之十載

詔舉遺佚偉業與王楚先同徵此蓋將入都之作當事見後東臯歌方岳字巨山詩北望未

忘諸

老在

柴門秋色草蕭蕭幕府驚傳折簡招敢向烟霞堅笑傲

却貪耕鑿久逍遙楊彪病後稱遺老周黨歸來話 聖

朝自是 璽書修盛舉此身只合伴漁樵此首就初被徵而言作自

相商度之詞用幕府字者歸其事於諸老也○柴門見

避亂草蕭蕭見讚佛詩 幕府見讀西臺記三國志王

凌傳卿直折簡召我我當敢不至耶 唐書田游巖傳

泉石膏肓烟霞痼疾笑傲見聞園詩 帝王世紀鑿井

而飲耕田而食逍遙見避亂 後漢書楊彪傳魏文帝

受禪欲以彪爲太尉先遣吏示指彪辭曰彪備漢三公

遭世傾亂不能有所補益髦年被病豈可贊維新之朝

固辭遺老見虎邱卽事 後漢書逸民傳周黨字伯况

太原廣武人也勅身修志州里稱其高及光武引見黨

伏而不謁自陳願守所志謝君直却聘書某與太平草

木同沾聖朝之雨露 璽書出史

記李斯傳 漁樵見九峯草堂歌

其二

莫嗟野老倦沉淪領畧青山未是貧一自弓旌來退谷

苦將行李累衰親田因買馬頻書券屋為牽船少結鄰

今日巢由車下拜淒涼詩卷乞閒身此首就初戒塗而言野老閒身首尾

相應而用莫嗟字起車下拜止俱歸到諸老甲裏野

老見遇南廂園叟沉淪見遇劉雪舫陸務觀詩賴

有春風能領畧逸詩翹翹車乘召我以弓詩子子于

旌元次山詩隨我舍退谷行李見送周子俶衰親見

琴清湖補注程迥亭妻東耆舊傳順治中當路有疑其

獨高節全名者強薦起之而親懼禍及門戶嚴裝促應

徵漢書貢禹傳陛下過意徵臣臣賣田百畝以供車馬

其三

鄭起傳趙普笑謂人曰今日甚榮得巢由拜於馬首閒身見虎邱夜集圖

匹馬天街對落暉蕭條白髮悵誰依北門待詔賓朋盛
東觀趨朝故舊稀雪滿關河書未到月斜宮闕雁還飛
赤松本是留侯志早放商山四老歸此預寫到京時情事白髮無依由於故舊漸稀也况故舊亦有留侯之志者何不放四皓歸山乎用意更深一層○匹馬見送穆苑先天街見洗象圖王無功詩山山惟落暉北門待詔見凌烟圖注谷永謝王鳳畫厨之賓朋之末東觀見贈陸生楊處厚詩閭闔既趨朝岑參詩門前雪滿無人跡關河見避亂白詩月斜天未明更記留侯世家願棄人間事欲從赤松子遊耳一統志留縣故城在徐州府沛縣東南漢六年封張良爲留侯又商山在陝西商州東晉書涼武昭王鬲傳情逍遙以遠寄想四老之暉光四老卽四皓見二十五日詩注

其四

平生蹤跡儘繇天世事浮名總棄捐不召豈能逃聖

代無官敢即傲高眠匹夫志在何難奪君相恩深自

見憐記送鐵崖詩句好白衣宣至白衣還

四皓雖不仕漢茹商山之

芝亦當知高帝之恩三四旬暗用其意○蹤跡見遇劉

雪舫晉書阮籍傳遺落世事浮名見別乎令棄捐見

贈陸生常建詩聖代多才俊無官見訪文學博高

眠見洞庭山館聽雨按第八句即宋潛溪贈楊鐵崖

詩也見過

鐵崖墓

吳慎思題梅村集有云宣去可能如老鐵放歸未許

戴黃冠沈歸愚師曰梅村為盛名所累未能如鐵崖

之放歸由未能如鐵崖之陳詩也今按梅

村蓋陳詩於當事而未陳於當宁耳

讀友人舊題走馬詩于郵壁漫次其韻

玩此詩語意友人為

楊龍友以第二首前四句定之也第一首中四句極肖南渡時事而十載鹽車悲道路指官江寧知縣爲御史詹兆恒所劾一朝天馬蹴風烟指起兵部遷副使擢巡撫之事乙酉五月駐京口與大清兵隔江相持初九日大清兵乘霧潛濟迫岸諸軍始知倉皇列陣甘露寺文驄走蘇州故有軍書已報韓擒虎夜半新林早着鞭之句也二首足備詩史

數卷殘編兩石弓書生搢筆壯懷空南朝子弟誇諸將

北固軍營畏阿童江上化龍圖割據國中指鹿詫成功

可憐曹霸丹青手銜策無人付朔風起二句有橫槊賦詩之槩中四句寫

時事而不脫馬字結到畫馬點染之妙○殘編見送周子儼舊唐書張靖宏傳韋雍謂軍士曰天下無事爾輩挽兩石弓不如識一丁字書生見壽龔芝麓搖筆見送徐次桓韓詩風雲入壯懷南朝北固見韓蘄王墓

諸將見讀史雜感 晉書五行志孫皓天紀中童謡曰
阿童復阿童銜刀游渡江不畏岸上獸但畏水中龍
又大安中童謡曰五馬浮渡江一馬化爲龍陸士衡辨
亡論遂割據山川跨制荆吳 指鹿見讀史雜感曹
霸見送沈繹堂蘇詩何年顧陸丹青手 禮記正義序泛駕之馬設銜策以驅之杜詩呼兒問朔風

其二

君是黃鵠最少年驂騑凋喪使人憐當時只望勲名貴

後日誰知書畫傳十載鹽車悲道路一朝天馬蹴風烟

軍書已報韓擒虎夜半新林早着鞭

體友死難得與大樽正希諸公同傳

幸矣本與士英姻契而夙工畫故三四及之也起句及
後半首亦以馬字點染時事○周書裴果傳先登陷陣
時號黃鵠年少 杜詩忍使驂騑氣凋喪勲名見東
萊行 書畫傳見觀通天帖 賈生弔屈原文驥垂兩

耳服鹽車兮史記大宛傳大宛多善馬馬汗血其先

天馬子也楊炯詩風烟鳥路長 禾蘭詩軍書十二卷

韓擒虎見玉京彈琴歌新林見讀史雜感晉書劉琨

傳吾枕戈待旦常恐祖生先吾着鞭其意氣相期如此

過鄭州一統志任邱縣本戰國燕鄭邑唐景雲二

州城在河間府任邱縣北三十里

馬滑霜蹄路又長鴉鳴殘雪古城荒河冰雨入車難過

野岸沙崩樹半僵邢邵文章埋斷碣公孫樓櫓付斜陽

只留村酒雞豚社香火年年賽藥王三四能狀難言之

美成詞馬滑霜濃不如休去直自少人行李遐叔詩

鴉鳴秋毀曉鄭守愚詩溝淺浮春岸雪殘劉滄字蘊靈

詩衡門猶對古城荒李詩曉雪河水壯 杜詩側生

野岸及江蒲又常苦沙崩損藥欄韓詩森森萬木野僵

立〔北史〕邢邵傳字子才文章典麗既瞻且速〔一統志〕

邢巒鄭人邵巒族弟文履吉詩斷碣偃龍蛇〔三國志〕

公孫瓚傳〔今〕吾樓櫓于重高澹人扈從西巡〔日錄〕引沈

德符野獲編鄭州卽公孫瓚所築易京東坡詩可攷〔一〕

統志〔二〕麴義壘在河間縣東北漢末袁紹令麴義攻公孫

瓚因築此壘然非公孫之壘也易京城在保定府雄縣

西北〔三〕國志公孫瓚與袁紹戰走易京固守爲圍塹十

重於塹裏築京皆高五六丈爲樓其上中塹爲京特高

十丈自居焉雄縣至任邱界二十里故梅村連類用之

耳斜陽見白燕吟村酒見送李友梅方萬里詩許追

父老鷄豚社香火見謁三義廟〔一〕統志藥王廟在任

邱縣鄭州城東北長桑君廟西祀扁鵲〔高澹人〕扈從西

巡〔日錄〕藥王廟專祀扁鵲香火最盛每年四月賀藥王生日〔史記〕扁鵲傳〔渤海〕鄭人

梅村有滿身風雪宿任邱之句與此詩殘雪古城荒

一時作也程迓亭燕程日記按史記扁鵲鄭人也

徐廣以爲當作鄭人則意亦如春秋之攢韓重邱各

國目有其地而非河南之鄭州明矣又今世皆以藥

王爲扁鵲故梅村鄭州詩亦有香火年年賽藥王句
非也續神僊傳載藥王姓韋名古道號歸藏西域天
竺人開元二十五年入京師紗中毳袍杖履而行腰
繫葫蘆數十廣施藥餌療人多效帝召入宮圖其形
賜號

藥王